

四庫全書

集部

欽定四庫全書

集部

西河集卷一百七十九

詳校官編修臣曹城

助教臣常循覆勘

總校官庶吉士臣倉聖脉

校對官編修臣沈清藻

謄錄監生臣張起隆

欽定四庫全書

西河集卷一百七十八

翰林院檢討毛奇齡撰

七言律詩五

長安雜感奉和高陽益都兩夫子春游原韻

十年裁與計車偕

帝里龍蔥氣自佳
三省愧膺新薦引
九河無復舊疏排
園花盡日開成幃
江楫何時返渡淮
祗為晚依丞相府

長騎歎段過天街

二

紫陌丹山未易兼
羈棲徒使歲時添
游魚欲逝翻吞沫
乳燕初飛只傍檐
故國望成千里隔
新詩裁作兩頭纖
及崖何限追隨意
靜裏曾聽解妙嚴

得姜京兆奉天貽書感賦却寄

薊門相望一登臺
尺素忻傳遼海來
九百峰前雲散盡
十三山下雁飛迴

帝鄉草昧時方闢官舍沙寒晝未開為重陪京根本
地故留廣漢救時才

二

麈符遠佩出關東鄉信長從黍谷通行部早迴寧遠塞
題詩多在廣陽宮喇嘛水下雲間白韎韐花翻雪後紅
獨恨馬周應詔晚長安對酒與誰同

枯梅生花和韻

橫牕老幹久嶙峋忽見幽花剗地新殘蘚暗含紅蒂淺

枯苔生繡綠花勻湖山未許歸和靖谷口還應見子真
縱是東風能遍物却憐流滯幾經春

七月廿一日

上御瀛臺賜宴汎舟兼賚文綺表裏蓮藕恭紀四
首

芙蓉便殿接蓬萊秋氣新從太液迴御苑

賜來三島宴瑤池捧出萬年栢隄長畫鷁銜波轉水面
金鱗入饌來醉飽載歌臨擘舞尚餘湛露滿罇壘

二

滄池詔許汎仙槎雲際迴看

帳殿賒畫舫開時翻桂槳
瑤臺深處見荷花衣光翠落
波間練纜色情分海上霞
游盡蓬瀛千萬頃金盤親
燕棗如瓜

三

玉虹高駕啓朱函早見瓊林有

賜絨幸拜恍人新鳳錦渾忘學士舊
鷗衫攜筐入白煩

中使東帶簽黃署細銜欲被縷絲

恩莫紀五縷十繡倍摻摻

四

上林賚菓減封題藕節蓮窠乍出泥鎬飲已歌蒲與藻
柏梁羞賦栗和梨槃留白雪遮羊腓盃覆青銅散馬蹄

蓮名馬蹄盃

三載金門沾湛久今來誰敢厭茹藜

雲間曹玉少五十

五日

燕市忻逢鄴下賢高軒重見綵弧懸游同荀況經年久

荀卿五
十游齊

生在田文五日前
蓮葉裏書還幕府
榴花當燭
照歌筵何時海上尋仙去
與子相期三泖邊

送陸使君出守思州

彤檐萬里使羅施
路入湘門春到遲
金齒再開蒙氏地
銅符初下長官司
蠻溪馬度天邊繙
番戶龍迎雨後旗
此際炎荒行陸賈
牂柯南去使人思

禱雨

禁苑銅池散綠陰

鑾輿親禱泰壇深

九重自有回天力四海寧無望雨心
日下土龍鞭麥隴
風迴石燕舞桑林

盛朝霑德如甘露何用巖阿起夕霖

為朱使君節母費太君旌表建坊贈詩

女陽亭畔婺星懸喜見高門有賜旃
大節宛垂千載後
遺孤生待十年前陶家坊為延賓建韋氏書教阿母傳
誰似使君懷祿養至今猶誦白華篇

劉民部尊人入鄉賢祠

曾坐臯比授一經騎鯨飛作斗邊星伏生故享鄒平廟
劉向應祠尼父庭黍進雖卣成式穀香含鷄舌見寧馨
須知享祀從殷典不在旗常早勒銘

金生西行

金城萬里惜分攜仗劍爭看洗鷓鴣偶訪傳玄來隴右
頗從柴紹出關西胭脂嶺下河流駛鳥鼠山空木葉低
前去臨洮知有意新詩應向馬頭題

贈直隸分巡吳使君

使君司通省刑法驛傳係崇禎朝典化相公之子

京門右鑰鎖重鑲幕府猶開鉅鹿間
部吏遠趨清苑路
廂軍近控瓦橋闕
提刑位出三司右
擁傳人從百譯還
好繼前朝名相業
外臺節制本清班

別陳生赴濟南幕

欲上旗亭多所思
燕關惜別暮秋時
十年書隔陳琳幕
幾度車過董相祠
岱頂尚留天半賦
汝南曾和雪中詞
春明此去如相憶
須記宮牆碧柳絲

趙中丞開府兩浙

新開幕府歷江濱
彈事朝重惠文禹
穴豫呈金檢冊
浙潮初罷水犀軍
殿前露簡看如雪
相外霓旌溢入雲
何幸東南煩鎖鑰
歲星重傍斗牛分

二

文臣節鉞古來難
况復雄關似奠磐
南省坐教中憲肅
東甌開後外藩寬

賜衣真見鸞文曜
避路猶驚驄馬寒
莫道還臺鄉思遠

故園金碧在長安

開府京師有金碧園擬金馬碧鷄之勝思故鄉也

贈瓊山令

金徽初試韻初諧萬里南天渡海涯
茂宰自能瞻貝闕漢家無復棄珠崖
陶公山獻波羅稅黎氏腰懸瑋瑁韞
肯向炎方重回首春花早寄日南菱

丁驃騎赴登州靖海衛有贈

初拜輕車駕上襄梨花先點綠沈槍
營連北鎮沙門遠劍指東牟海路長
克國定能籌轉運孫贖故自守都昌

閑來莫向闕城射恐有鄉書寄雁行

沈萃址入蜀

徒聞蜀道上青天誰識臨邛有令賢
曉店散書綿竹頌春帆高送錦江船
五丁道可通金馬萬里橋難聽杜鵑
應念紅閨相憶苦莫教人滯酒壚邊

沈君內人為閨秀祁湘君

靖海侯德配王夫人生日

龍額初傳邑號新百年長遇悅堂春
銅屏射雀留神臂玉軸裝花寫誥身
觴獻蠻姬銜翡翠閣前夫婿畫麒麟

麻姑莫問蓬萊水環海今來已絕塵

時臺灣新破

二

二月花明玳瑁樓藁砧今日果封侯
瑤池宴已通三羽
橫海軍還領十洲綵翟翻衣奩影動
金泥拭匣鑑光浮
當筵儻進如川頌試看滄波萬里流

送春日偕同館諸公集張毅文太史宅分得毫
字

御苑纔開露井桃春光又復去東臯
肯從盃底辭鄙諫

且向花前換苧袍
天半結雲催夏雨
座間騁辯析秋毫
傷心九十無多賸
指下薰風莫漫操

時殺文于酒
闌鼓琴故云

滇南大捷志喜四首

幾曲鏡歌奏太清
樓船無復戰昆明
三川終破吳曦壘
八甸重開莊躡城
神策新軍橫鐵渡
蒲蠻舊版擴銀生
天南萬里烽烟靖
從此台階一望平

二

龍川闕險控諸蒙
銅柱當年紀戰功
青海故能通徼外
彩雲仍自見南中
前軍夜入擒元濟
降將時無似竇融
江畔金沙堪洗甲
木瓜花映綠波紅

三

虛象滇陽習水犀
窮猿何處覓林棲
金城但築盤山下
玉斧長剗大渡西
露布馳來真倚馬

赦書頒處喜銜鷄
南人自此應無反
安用徵兵過五溪

四

星垣振旅拂旌旄南詔碑前解佩刀大將兵摧神石裂
長官司據麗江高俘成

宗廟看陳矢凱獻

端門有賜袍金馬碧鷄如可祀王褒拜使敢言勞

顧侍御生日

執法星高麗碧空綵弧初絰柏牀東名標柱下三台近
人在香山九老中春雪尚餘霜簡白朝霞長映繡衣紅
金門倘遇東方朔莫道花間好避驄

二

九霄獨坐重臺端，共看鵬飛簸羽翰。
烏府自頒王儼敕，豸衣重領杜林官。
封章曉入清宮肅，甲子星週法曜寒。
幸值

聖朝多雨露，不須仙掌漱金盤。

題陳生博古冊子和王司農韻

春暮楊梢解刺天，碧幢閑使鬪茶錢。
風流只記張思曼，朗鑒何如顧彥先。
鐘缶燒殘還自弄，蟲魚註缺不須箋。

燕臺雖少探花會也有柴車到集賢

夜飲

提壺不上曲江頭學士官居對殿樓長樂鐘當晴後響

短連酒是夜來筇

宮中廊下酒家
名長連短連

園蔬不厭芟菁薄筵

燭將低菡萏收坐近西軒看月上有人花底笑藏鉤

金古良將歸

春還凍澤未全消又見東風入柳條好友最難燕市別
思歸翻恨越江遙才高迥若雲中鶴興到塗成雪後蕉

古良
善畫
但使官湖能乞與相期應在馬臻橋

胡廣文之任温州

中原十載共爭雄此日方傳吾道東
落筆賦成天闕下
橫經人待射堂中
芹絲到處依池碧
草生時映帳紅
但向吹臺尋故礪
可知甌越舊來通

秋日早朝

宮井鷓鴣翻露未晞
輕寒先入侍臣衣
玉鑪香散朝成霽
金殿花生夜有輝
鳳輦陳階銜翠羽
馬醴傾椀賜珠璣

每朝畢各
坐賜酌
自慚陪從無文采空見蛟龍繪兩旗

宗藩輔國將軍博公同滿州徐翰林並以詩見

寄依韻和答

小院含商暑未除終朝乘馬尚斑如
懷人漸近三秋節
佳句忻傳兩地書
病起渴逾梁苑客
夢回思逐賀湖漁
誰知興慶坊邊月
猶向城南照索居

七夕用前韻

秋花裊露被東除
月殿穿鍼巧不如
向夕慢陳庭下菓

連年悔曬腹中書寒歸金馬愁仙吏水漲銀河笑澤漁
思煞故園機織者晚來長自對門居

贈椒園和尚

甘泉西上敞琳宮中有高賢似遠公說法不離雙樹下
置身長在五雲中平臺花氣秋來迴御苑鐘聲夜自通
獨惜裴休難問道空搖珠鬘日華東

送姚聚中還湖州

楊柳河橋送客還十年詞賦滿江關高門自啓菰城曲

佳句猶留松石間

有松石間詩集行世

下若人逢花鞞鞞前溪風

定鳥綿蠻上林春色年年好不用端居賦采蘭

上巳易園修禊奉和益都夫子原韻二首

時陪游者

皆同館前輩

二十八人

曲江修禊已三年勝飲無如柳下偏地曠儘教油慢接
溪迴不礙羽觴傳
泂隄草向春深發
夾路花從雨後妍
陪得蓬山舊仙侶到來滿座盡雲烟

二

良會何須絲竹偕春風此處遠塵霾東流水色清堪戀
北地晴光淺亦佳高柳隔簾拋粉絮新蒲刺水簇金釵
洛中襖飲年年事丞相同行豈易儕

張梧南還

秣陵憶別十年前帝里相逢倍黯然玉案未酬新綠綺
時貽我漢玉未報柴車還裹舊青氈花開曉店迷行騎柳放春

門慘別筵此去但能隨謝尚不須頻上估人船

時隨陸少參歸

江
南

二

青郊綠草散平蕪別路愁聽谷鳥呼幾見戴逵還剡舍
重看李白出當塗難兄三載仍留粵謂南士也賢主千秋半
在吳欲典朝衣餞歸客杏園東去酒誰酌

奉和扈從登封應制四首

有序

時維肇甲候屬升辰承六幕之清寧慶三能之效順
翠華安指東都望幸多時綵仗將臨夏諺為歌已久
因整協時之駕先酬肆覲之觀鈞陳簡肅無煩五校

蘭錡柴望精禋不事三壇茅脊所過祀名山笑玉檢
探符之陋隨時省方俗斥金泥封事之繁惟是問族
之貞淫間修五禮就民相慰勞暫遍羣神聿開千百
年未有之恩頤釋七十君歷傳之妄念茲輸輓築榘
石以塞決河攬我提封登高丘而望遠海謹誦卷阿
之什虔賡將享之章才慚應劭難傳西漢官儀職本
蘭臺敢效東封著頌

嵯峨方嶽望東巡何幸天門扈近臣磴道曉雲迴海日

石壇秋草遍山春
鑿旗翻作中峰電
部黍祠還上時神
千載玉泥留檢處
今來沾盡屬車塵

二

帳殿重重倚障開
山呼相應似鳴雷
九旗總向巖邊出
萬乘疑從天半來
升氣下窺青檢合
裡河西眺白龍迴
盛朝功德真難紀
勒石慚無作頌才

三

東方雄鎮護神京
豫日

宸游減禁兵霜繞幔城嚴未啓花開輦路笑相迎晴看
御馬林間度夜聽天鷄海外鳴九點齊州渾一望可知
六字正澄清

四

鈎陳羅列動星文佳氣龍蔥繞

聖君騎接百靈巖曲穗龍躔三觀嶺頭分春還个左乘
青輅時見封中起白雲問俗省方千聖事百年父老幾
曾聞

潘生南歸限韻

秋雲夾日雨雲遊子將歸轡重銜別曲慢調新綠綺
征衣還著舊青衫亭迴通潞看題壁家近前溪認落帆
若賦閒居肯相寄雁鴻千里不須緘

二

南湖水盡見菰菱愁向青門折柳梢曉雨送歸梁上燕
秋風吹動海門蛟河陽官闕同潘岳鄴下襟期似石苞
盡日天街同對酒能忘出宿在東郊

長安中秋

朝迴晝漏報新晴坐待金波灑
潑生闕下芙蓉開旖旎
樓頭鳩鵲見分明當軒河影經
秋白傍苑砧聲入夜清
手把醪醑愁未倒醉來恐起故
園情

二

西風吹葉下金溝海畔虹生雨
漸收庭樹影搖冰鑑冷
筵花香入玉杯流天街燭散千
門靜碣石雲開萬里秋
為侍講堂歸騎緩晚來東閣重
淹留

湖南丁中丞生日

三湘重鎮古羅田，萬里星沙啟幕蓮。
才過庾公還夏口，人如王濬在西川。
浯溪伐竹當蓬矢，蠻郡椎銅作酒船。
指顧弧南將啟宿，崧高長頌五雲邊。

送沈五栗士本進士歸里

同研淡墨註高名，騶馬雙騎出鳳城。
衣柳漸逢宮巷曉，看花剛及御園晴。
開來榜目誇龍虎，歸去川原見鶴鷄。

一自容臺陪宴後，蕭疎長負故人情。

是科予分闈
同宴禮部

寄河南驛鹽道

三河節鎮擁朱旗鳳詔新裁五色絲萬竈授鹽齊仲父
千秋置驛鄭當時開牙良嶽飛雲旆行部梁園奏雪詞
欲指冰壺遙作頌由來清德畏人知

贈送洪使君巡撫江南

中丞初拜

鹽書行獨坐南牀舊有名此去開藩跨建業臨歧

賜宴在端明裏中羊祜方開府海上盧循早罷兵千頃

烟波環震澤看來不及使君清

二

巖疆瑣鑰重吳中萬里車書澤國通
侍御呵來驚赤棒元臣饗後賦彤弓
平推庚甲王程緩

上念東南民力窮特賜九花天廐馬
瀕行莫認舊青驄

金鑿南還

把臂京華又一春柴車欲駕泪盈巾
戴逵豈是王門客阮籍終為林下人
到處題詩銷旅寂行無餽贖恨官貧

河橋相別知何幾白首垂垂總是銀

二

相期同返舊巖阿豈料君先策去騾老入侯家猶謾罵
醉辭燕市重悲歌收禾歲晚鄉田少落葉風吹客路多
只有雲間沈學士長懸一榻待相過

寄閩中提督張君

西平勲伐冠雲霄特簡趨庭領騎曹烏許降旗迎谷永
文臣拜節重韋皋島中盡隸新開版腰下猶懸舊賜刀

不道西清頻入夢到來還隔海門濤

時予客福州

秋祀社壇候

駕

秋行陰祀詣三壇仙掌高垂玉露寒百辟奉璋迎仗外
六龍扶輦下雲端風迴天半聞仙樂夜見星流繞從官
一自太和初獻後愧無金奏頌咸安

書王舍人冊子

舍人為內廷供奉賜宅西內

仙池中禁杳難親解玉坊邊一舍人詞出

御牀封過密衣從宮鏡照來新花前白事先東閣斗下
丹星近北辰虛薦雄文似司馬有誰還賦上林春

奉陪李學士禮玉皇閣醮壇同胡編修袁舍人

顧孝廉即事

玉皇案下舊仙官親捧琅函禮醮壇受事籙呈三殿切
步虛聲徹九霄寒朱輪滿院皆雲侶丹竈烹泉有露團
賭墅圍棋渾漫興今來俱作洞中看

題方編修健松齋詩限文韻

名園幾度罷誅茅猶見長松翠影交
太子有城頻在望
方干故宅那能拋
欄邊蘚斷驚虫蝕
石上泉流為馬跑
誰識桐江風雨夜
尚留龍吼聽櫛梢

二

綠野園林枕石菴

編修為崇禎朝相公之孫

風光佳似孟城坳
七株

偶向巖間植百尺
翻從雲外捎
如此江山龍未化
舊時

林木燕曾巢

地曾經兵燹故云

平泉多少丁寧意
肯向金門戀

斗筲

送平將軍守建昌衛

龍驤銜命重南征
閩外蓮花早列營
豈有黃駒能陷陣
忻逢白馬舊知名
護軍臺接章山戍
轉鑲船隨下瀨兵
莫道元戎難就拜
麻姑壇土築方成

宋尚書新進太宰

初裁九格掌人倫
三典名曹踞要津
司列位高紆紫紱
長名榜定勒紅銀
廷推徐勉真清士
朝有表昂是正人
欲問開元新相紫
梅花先報鑑堂春

二

台衡久已冠文昌
啟事嘗登帝座傍
褚炫端居能節儉
崔生用士總剛方
賜來金鑑含霜薄
懸得珠繩引宿長
愧托清流陪後乘
時從畫省借輝光

送漳州胡別駕還郡

漳南上佐計車旋
攜手京門思黯然
別榻尚施花嶼側
佩刀重掛柳營邊
行時馬傍春雲曳
歸見珠飛海月圓
誰道清廉少人識
胡威譽望正當年

施二公子歸里

楊柳河橋散曉烟相携苦憶十年前
洲邊講學逢官舍
燭下題詩對客筵
驛路計成新歲月江南歸向暮春天
還家若問青房李
李仲園頭未賣錢

太夫人命以李熟為歸期

依韻奉答益都夫子見寄之作時夫子以禪語
開示故及之

空言詞賦擬相如豈有文章重石渠
國史未成羞碧檢
越人何意戀朱餘
從知白馬原非馬不用騎驢更覓驢

數日朝參都廢盡只緣新接冶湖書

西河集卷一百七十八

欽定四庫全書

西河集卷一百七十九

翰林院檢討毛奇齡撰

七言律詩六

康熙十七年十月一日大學士索額圖明珠奉
上諭各大臣題薦才學官人除現任員外著戶部帖給
俸廩并薪炭銀兩按月稽領感賦二首

宣平初啟儲才賢便向金門拜賜緡烏節稻頌高廩俸

紅籬炭準大農錢花攢印帖看成錦日照絺衣恍挾綿
誰道舊時含糗士還承介錫在昌年

二

公車通詣近三臺月俸旋教計部開

御牒宛從天上落

皇恩高向日邊來饗錢誰是張安貴索米慚無曼倩才
咫尺光華將啟旦敢言遲暮答涓埃

午門謝

恩恭紀

差我閭闔啟雙鑲

帝闕遙看綵仗班
伏地敢違階咫尺
瞻天只在殿中間
楓門劔佩朝方啟
草野衣冠拜未嫺
但愧

聖恩無可報
遙呼萬壽指南山

荅景文上人過贈原韻

三月春江初上潮
浮杯何處渡來遙
莫嫌陶令眉頻皺
猶喜豐干舌未饒
妙偈不從禪誦得
薰衣時把佛香燒

願君長在山陰住勿使中軍遠見招

王明府之任零陵

瑯琊才子厭承明
萬里遙分有庠城
白日吏來花下卧
感時泪向竹中生
賦完莫笑陽城拙
操潔無如鈷鋸清
湘口題詩能北望
雙鳧飛處是神京

陳君六十

樟亭十里比柴桑
中有高人引興長
白恰曉披花露滑
紅泉春洗藥苗香
門迴高駕同孺子
庭下監州類季方

邀得麻姑頻貰酒相看猶是舊餘杭

奉餞汪春坊同年請假覲省還里二首

裁向東朝作從臣每因問寢倍思親高堂豈易沾三釜

長假何難請十旬

唐長假以十旬為滿所謂十旬休暇是也

問左枌陰虛閱

人
歲關前草色暗逢春如何白首懷歸客猶作青門飲餞

二

初頒儲冊下銅扉暫借朝衫作綵衣九列尚需三度轉

十年能得幾時歸
江魚午饌烹美慈
竹隣牆過未稀
第恐曾參冠不定
禁林重盼早烏飛

贈邵吳縣

平原邵續舊知名
筮仕能分閭闔城
甲第早膺三禮貴
郎官上映一星明
車過樂園鸞初下
綬拂金昌花正生
遮莫東南烽火近
吳門尚有水犀兵

岳州大捷奉和高陽寶坻益都三相公喜賦原

韻六首

荆門露布插雕飛聞道雄師已合圍下雋地翻留後旆
洞庭波洗戰時衣軍分五壘真無敵峒阻三苗何處歸
況有樓船橫浦入天南誰不望明威

二

湖湘寇盜本蝨飛連破平江似帶圍夜水暗驚流劍影
春花偏喜插弓衣人收赤子安軍鎮地入黃陵近姊歸
但得東山堪勞士揀教零雨誦伊威

三

七校縱橫盡飲飛紅鞦新束馬腰圍熊羆但計踰銀匱
蠶虱何愁生鐵衣羅子收米忘北顧楚軍散盡想東歸
零陽此去降幡集何必彊兵出武威

四

日望巴東鵝鷓飛江陵種柳漸成圍提兵真入移綃幕
叩馬相迎有布衣三秦捷書當甲始全軍振旅在春歸
從來廟算需賢相况復詩傳翟子威

五

桃虫誰道善拚飛

帝命原教式九圍尅日將軍齊捲甲連年

天子自求衣葭還舊律知來復芑滿新田嘆曰歸從此
征駟與朝笮敢言咫尺見

天威

六

禁旅中兵總射飛長驅肯作掩羣圍行營夜襲藏刁斗
轉戰春生換韜衣王濬乘風能越險姜維有志亦當歸

哀荆自古需深入誰道

王師不在威

張方岳巡撫閩中

來從奏計待鳴珂去路黃旗載駱駝
斗北驟頒新筦鑰
天南重整舊山河建溪雲樹開藩遠
閩嶠山花入幕多
身到九仙須對酒年來東海不揚波

夜集俞明府園亭次其小阮石眉原韻

名園竹樹夜蕭蕭閒對清樽向午橋
屋角暗星疎帶雨

欄邊流水曲通潮當筵酒暖杯頻瀉促坐談深燭易燒
最喜君家饒二阮相從林下且招邀

丁氏曹分巡贛州

河橋柳色映雙旌萬里度南好計程畫館望郎初奉使
建安才子舊知名樓船浪逐灘聲轉幕府花含瘴雨生
他日鬱孤回首處待君還賦秦階平

與汪廣文

講學河汾年又年長安相遇見華顛空囊尚載田何易

沽酒曾無司業錢
絳帳經傳燕市曲
青袍草映御河邊
金門萬里雲霄近
莫問滄江有釣船

荅贈萬州學正何君見贈原韻

慢將春酒瀉郛筒
金錯長懷嶺嶠東
帝闕上書原有意
王門操瑟豈難工
人間居傍支公鶴
時寓報國寺馬瘦行如

鮑氏驄謝汝容
臺能薦士風流還著玉堂中
時分闈廣西其門人

有入詞林者

九日登善果寺後毘盧閣示同館諸公

清秋黃葉滿林臯佛閣層層散白毫千里有誰還望遠
十年此地再登高香臺露下翻萸葉茗椀霜融沃筍膏
誰道初衣難再着晚寒猶覆舊絺袍

送何岱瞻還江陰覲省

薊門楊柳弄春晴欲別翻憐邸舍情春汎白波分瓊盡
夜來紅燭照牕明西郊草映寒袍色東閣梅傳舊句名
此去澄江若相憶延陵城下暮潮生

二

春城花落已垂條，萬里江關去路遙。
別恨直追中浦棹，離人初上御河橋。
筵前白恰留應少，臺上黃金望欲消。
只恐河陽方覲省，便隨敷奏上丹霄。

平原道中示仲山諸同行作

客路秋光最可憐，平原風物更蕭然。
山橋度馬雙流迥，野店留人一榻懸。
酒旆碧垂丹棗下，廟門紅閉綠楊邊。
却因顧陸相從晚，每欲聯鑣未敢前。

征南大兵乘勝收，復長沙奉和高陽相。
公原韻

二首

戰艦橫江蔽鬱姑材官百萬盡彎弧
新收岳麓時移障
遽襲湘潭夜渡湖
白馬關前鳴鼓角
黃陵廟下禁樵蘇
天南指日銘功遠
何必牟彌布陣圖

二

南征曠騎本騰驤
况復追奔似燎揚
定遠自能摧虎穴
護軍今已下熊湘
雲車駕處城頭暗
露布書來盾鼻光
不信衡陽京觀美
都梁尚有武成岡

重陽後一日偕同館諸公集黃編修新宅分韻

得秋字

新第重為九日遊黃花開徧白檀秋集賢有會思韋綬
買宅無錢贈馬周鴻雁盡從天際落茱萸還向酒邊浮
主人初闢西軒好且傍斜陽款款留

贈王君

高飛鴻鵠久迴翔何幸相逢在帝鄉上客盤餐留北道
故園花柳憶東庄平交世重朱公叔直道人推王彥方

我欲續成游俠傳為君重數舊高陽

謬蒙益都夫子作六子詩見贈予居其一且落

句韻各叶本姓謹依韻奉荅并謝二首

嵇康空自友山濤十載深慚佩孟勞觀海始知環海大
近天渾忘戴天高書窺東壁驚三秘醴設西軒笑二豪
誰想芳洲舊鸚鵡尚蒙開鏤問奇毛

二

豈有長鯨掣海濤重煩傾注過勞勞孝廉但舉桓公雅

子弟誰如龍伯高
通德有門爭北面
朗陵故里在西豪
可憐未婦齊庭日
挾刺徒生紙上毛

奉和宗藩博爾都雨中見懷原韻

春街三月雨霏霏
遙憶春星隱少微
華館近天開處密
宮車盡日度來稀
蘭分墮坡紫青幔
水漲河橋覆碧衣
羞煞梁園倦游客
凌雲未獻賦俱非

飲高太史宣城會館話舊有感和施侍講韻

但汎浮杯渡芥堂
天涯四望總蒼蒼
論文自昔同官舍

對酒何期在

帝鄉幔捲露垂天際濕燭搖風入夜來狂相逢不解相
思苦試看樽前兩鬢霜

二

宣州舊邸有閒堂匹馬相過晚色蒼愧我十年長避地
羨君四坐盡同鄉食甘莞菜知還健醉舞蓮花未是狂
漏下莫愁歸路晚天街涼月白如霜

贈河間守

欽定四庫全書

西河集
卷一百七十二

十一

新賜膽車駕五駟銅符東領近皇州下車嚴似張平子
按部親于郭細侯上谷雲連滄海動南皮花夾衛河流
吳中人憶軍司馬長聽清歌繞郡樓

寄贛南道丁使君

南行節鎮重分巡榮戟初開贛水濱楊僕不為徼外使
柴侯本是部中人塞帷風動諸蠻肅落筆花飛五嶺春
能向鬱孤臺上望遥遥京闕豈難親

王給事分守浙東

東南觀察古諸侯按節明州與越州
曲蓋賜來函德殿
高牙開近甬江樓西垣舊日能廷諍
前路清風起棹謳
若問衡文嘉祐事會稽竹箭不勝收

使君曾
典浙試

二

攬轡登車慷慨行臨岐猶有贈鞭情
百城久向車前望
十載長留殿上名畫閣入雲天漢近
朱旗拂岸海潮生
伊予家在西陵渡門外蘆花相笑迎

上以久旱躬禱郊壇立霈奉和高陽相公恭紀原韻

皇雩練日宿蒿宮羽佾無煩名典同祇為三農祈泰時
遂將六事告蒼穹龍行眀谷迎猶緩雲起封壇饗自通
早魃歌成甘雷下湏知尹吉在西豐

送錢刑部提學貴州

都官視學本含鷄帝里春風惜解携五衛兵踰關索嶺
諸生試待狔獠溪城連箬竹蠻雲暗巘畔芭蕉瘴雨迷
一曲湘靈應聽去龍荒原在洞庭西

寄周燾

誰言琴氏好騎魚欲寄雙緘問轉虛坐客已傾江左泪
聞君尚在道南居吳中著有張融傳花下刪成蒯子書
當日章安兵未起趨庭長得過甌餘

其尊人曾為
台州司馬

吳江陳啟源貽詩賦訓

十年道路愧冥鴻長向吳江聽落楓畫舫未逢三若下
高門只對五湖東冠時著作超承祚滿地兵戈憶子公
何幸新詩能遠寄光芒百丈儼垂虹

寄贈山東開府施君生日

東藩鎖鑰衛神京開府雄連七十城星斗喜從天幕轉
日華看向海潮生威行岱麓風彌峻操比齊河水更清
一介書生能建節當時曾見庾蘭成

二

金笳開處動旌旄獬繡裁成鵲練袍賜履遠垂滄海闊
期門孤並泰山高全齊萬戶爭懸矢此地三公有佩刀
哲士挺生真不易肯教

聖主念民勞

送徐二十二嗣定廷試南還

天安門啟控雙環

聖主臨軒策奏還老景去留存宦跡夏雲重疊類家山
城邊度馬人俱遠庭有啣魚鳥自閒他日論文肯相待
為君柳市重躋攀

二

青袍裁罷謁公車徐樂原來始上書萬里敢嫌雲路遠
百年長坐夜牕虛固知道在難為報翻笑官閒未易除

思煞舊時同學者到今誰復共巖居

題家司百聽月樓詩和益都夫子原韻

金梯不必問孀娥夜靜猶聞水調歌穿榻碎投千片玉
當牕寒瀉萬重波榆含星影拋錢細桂入秋來落子多
自是凌雲遺構在不須烏鵲更填河

陳掌院先生歸里

藥藥素蓋謝明光欲餞青門柳未黃祇為山濤將負土
故教劉覽暫還鄉鄧車曉日當天井去路春雲蔽太行

咫尺東山勞

聖眷莫令同省久相望

二

車前揖杖暗心驚
數載金廬共侍情
帝座儼臨瞻斗近
君行此去見星明
韓山白鵲盈軒集
茂澤丹芝傍墓生
若問趨庭須學禮
那能徒負后蒼名

送表侍御巡鹽淮揚

獨乘驄馬下江都
夾道爭看御史烏
帝簡不殊李景讓

官山重見管夷吾臨行舊邸金章露曾彈新叅鐵面孤
飲餞都亭誰勿避可知獬豸在當塗

施鴻臚以禁方見示賦謝

慢延三景叩崑崙碣石猶翻北海鯤未共馬生飡玉液
恰逢羽客在金門啣花鳥下青絲仗合藥人歸紅杏村
誰訝肩吾還入籍丹臺名姓本長存

彰德別駕之任有贈兼詢吳文學

鄴下新推監郡豪漳河水色照青袍車前周景初題字

匣有王祥舊佩刀上黨雲連熊旆遠太行山盡雀臺高
城東肯問韓陵石何處文章少俊髦

出沐即事有感

西郊出沐踐良辰回首京華又一春鴉陣噪來天欲雨
驟車過盡路生塵年前悔作閒情賦日出歡逢曝背人
自笑襖堂相別久夢回還着白綸巾

送平象九之任宜賓

夜郎南去使車稀喜見雙鳧楚道飛巴郡雪消來白市

蜀江花落覆青衣春田種秫抄雲起午夜橫琴帶露揮
此去葉榆烽火靖掖門相望敢言違

王時大授連江令

銅魚初佩度仙關拄頰時看海上山農畝課成螺蚌外
官亭開近荔枝間王喬豈嘆京門遠嚴助方平甌粵還
假使承明猶未厭鳳城柳色儘堪攀

上幸瀛臺登魚遍賜近臣恭紀和李相公韻

蓬池初獻范公鱗敕使分魚賚近臣銀鬣散飛瑤島雪

金梭堆作

御盤珍餐同秦豹揮刀俎夢逐非熊理釣綸欲紀
聖恩何所似滄波漭沆竟無垠

二

九罟翻波躍錦鱗魚征無復稅王臣天厨入夏猶頒鮓
海谷何時不效珍龜臙未和徒領頗鸞刀欲下轉紛綸
江湖自昔相忘久誰道龍淵渺四垠

周太史尊人明府公年伯六十來京師同館諸

公各賦詩奉贈和韻

三月鶯花滿上蘭藍輿迤邐到長安戴封故作西華宰
韓愈曾為嶺外官授冊遠探金簡麗趨庭曉過玉堂寒
宮衣裁罷徧爛色猶作他時製錦看

王光祿子舉茂才喜贈

丹山鸞鷲紫田芝江左青箱數世遺可但茂仁稱令士
果然王濟是佳兒下帷不計探花日在泮剛逢采藻時
猶記帝京來覲省當樓新授鯉庭詩

二

東園日出露桃開
佳信忻從鑑水來
藻彩橫天驚鳳翮
渥洼墮地本龍媒
杜林名閥推光祿
漢室高文重茂才
祇為德門饒世濟
庭前早已植三槐

春夜讌集益都相公邸第即席和韻同王舍人
陳吳二檢討徐林鴻咸清吳農祥三徵君暨
公子慈徹協一

夜啟槐堂近北辰
偶來休沐藉人倫
筵前杏炙燒脣美

庭下梅花刺眼新
雅量儼臨千頃壑
清談真隔幾重塵
滿堂歌詠渾閒興
何必乘槎更問津

二

台階潤絕若參辰
猶喜相攜邁等倫
金檢祕書看後古
銅槃高燭照來新
行觴久接荀龍譽
舉座欣無庾亮塵
咫尺天衢珠斗近
祇愁無力度雲津

三

春蘭汎景見光風
坐聽吹陽出六同
日暖賜衣宮扇下

晚來置酒閣門東，生徒雜列超桓傳。巴蜀初開想竇融，
金管暫吹羽舞後，可知調燮在三公。

四

黃閣沉沉轉惠風，柴車春夜許相同。綸書早已頒池上，
絲竹何妨載墅東。舞袖亂隨燈影散，歌聲細入酒花融。
當筵親作來游誦，不是周公即召公。

送周在都任濟南郡丞

肅肅秋風轉隼旗，東行監郡綰銅魚。時清且佐平原相，

年少能傳櫟下書

郡丞為櫟下先生李子

丹鳳飛時知賜璽青山

到處好題輿選人尚有難兄在

時其兄雪客方候選

欲贈虔刀思

有餘

贈丁刑曹

初看鳳翮九霄搏敬禮由來重建安赤館舊曾遊列宿
白雲從此護都官荷花結蒂經秋豔棘木當廳入夏寒
況值中丞開幕後于公門第舊來寬

李沮東世兄由韶州太守移任寧波

重承露冕出燕關秣馬都亭霽色殷金轡乍迴五嶺外
銅符又下四明間行車春傍江南柳披牘時看海上山
隣部編氓懷世講相思長趁浙潮還

寄山右方伯

太原行省領方州况復開藩在晉丘經國不須搜粟尉
安疆重藉富民侯編圖戶列中條盡轉餉船隨砥柱流
若問汾陰千載勝白雲猶是漢時秋

馮二宿榮遷補國子監博士

槐市南頭壁水連馮唐待詔尚英年漢廷博士官雖冷
國子先生獨爾賢折角定教傾五鹿畫衣應早兆三鱣
花前載酒如相過可有東廳月俸錢

秦太史歸里

一紙黃封下玉除春風歸興動鱸魚才名久已傾同舍
筆札長驚跨石渠天上青簾新水棹樽前紅燭故鄉書
甘泉此日多詞賦莫更遊梁賦子虛

依韻答和彌壑和尚長椿寺說法見贈原韻

騎馬宮門年又年思君長在率陀天因傳佛說來初地
悔拜天書出望仙下座有人裁問道空林何處好逃禪
當時王許山陰會不道重來闡太園

送沈客子還禾中

京門曉日動行旌相送河橋百思生三策未經投北闕
十年長憶在西平宮牆柳絮粘天白旅館山梔入夏清
他日負薪能薦達肯教廉吏抱虛名

贈胡生

少年能讀九丘書，八洛猶乘下澤車。
沐髮碧于江畔草，行文艷過水中蘂。
歌殘白石天將旦，裁就青衫暑未除。
前路秋風應萬里，期君先作北溟魚。

沈殊亭處士自倡村居詩，遍和成集其所和多。
兩浙耆舊繙閱生感，因其索贈亦用原韻續成一首。

水南水北總皆村，何用辭家賦述昏。
烏有九苞方是鳳，鷄非三尺不為鶡。
投詩半是梁園客，避地深于吳市門。

滿目舊時朋好在慢將存歿句中論



西河集卷一百七十九

欽定四庫全書

集部

西河集卷一百八十三

詳校官編修臣曹城

助教臣常循覆勘

總校官庶吉士臣倉聖脈

校對官編修臣馬欽泰

謄錄監生臣張浮

欽定四庫全書

西河集卷一百八十

翰林院檢討毛奇齡撰

七言律詩七

早朝和韻

端門高啟傍青霄，待漏初迴金水橋。
綵仗暗排雙闕麗，玉階徐引一燈遙。
風飄御榻疑鳴鳳，寒動朝衫許覆貂。
只愧仙盤頻賜露，每朝賜酌侍臣有渴未曾消。

下朝

鳴鞭退後鼓鐘稀日上松杉鷓漸飛
庭燭乍收遙仗綵
鑪香猶在近臣衣
蠻隨九陛陳琛去
象駕雙輿負纜歸
咫尺

皇威雖暫遠玉欄回望轉依依

吳二東游

三年流滯薊門關
歸路重游徐泗間
逸駕豈能留駿骨
望鄉終自蔽龜山
清秋醉向湖陵度
落日吟從梁父還

他日滄洲儻相憶為予東望大瀛環

寄昌平道沈僉事二首

軍都遙接塞門寬北護神京似莫磐
舊衛尚持宣尉節外臺方重惠文冠
牙開雄鎮邊雲靜幕映前朝寢樹寒
最喜子牟懷闕近日華高處即長安

二

北門鎖鑰壯

皇封大旆朱橐間錡茸鐵騎不須屯
上谷金湯長此控

居庸朶顏故部安三衛袋帶新裝賜

九重聞道麟符分輦後登樓清嘯甚從容

醉和任明府官署歌席原韻

申江三月暮春天入夜華燈簇錦筵官舍有情啣獸掌
客心無緒似鷓絃歌成三疊愁將變醉看雙娥使近前
多少臨邛仙令客問誰真是馬卿賢

春日偕諸公集梅花樓并食即空上人魚餐即

席和韻

不愛桐君與竹君，每看花發思紛紛。
風來水曲初生漲，雨過山頭尚帶雲。
醇酒早隨公瑾醉，瑤琴願續惠休文。
有魚堪作伊蒲供，誰道行厨少芡芬。

陶君雙壽

荷花並蒂滿江濤，並坐薰風鼓瑟琴。
記得迷昏曾見志，最難却聘有同心。
青蛾一奏瑤華樂，綵鳳雙栖珠樹林。
終日題詩編甲子，徵君吟過細君吟。

送杭州顧使若之任

彥先才地冠中朝新賜朱幡領六條井邑雜通甌海路
郡樓平對浙江潮花前試印開硃匣雨後行車駐畫橋
誰道薊門乘傳遠專城峻望已干霄

壽張學士

早拜叅知領從班每因清建霽

天顏詞頭日判鸞扉裏軫上星明帝座間人到講筵餘
紫氣史成斷案若青山

時為史館總裁

年年寶樹垂弧月載酒

攜花共往還

唐公子授西安郡丞

春桐花發待鸞栖黃綬金章惜解攜秦地通侯誇上佐
謝家司馬重安西亭臨冀闕看承露車過峽關却屏泥
公府家聲曾不改嘉名何必向人題

餞長沙趙使君

湘州司馬汎星槎南雪消時好及瓜虞愿舊曾官海上
賈生從此相長沙琵琶峰轉看迎旆橘柚洲晴待放衙
前上紫微如有憶春來應寄石壇花

考功郎劉君主試闕中

啣命東觀海嶠雄風流裴楷著清通持衡自昔推司列
敏識于今藉考功萬選錢留浯海碧三條燭展洞蕉紅
闕王宮畔長春閣時有天風下至公

翁使君之桂林郡

使君南控五驂駟萬里寨帷入桂州蠻地盡從辰嶺隔
郡堂斜見灌江流杞花發行苗部鉤鉏潭清記柳侯
此去建陵如戀闕晚晴時上望湘樓

益都相公歸田後以治湖汎舟作見簡且自叙
晨夕鄉游之樂謹依原韻和答成詩

南天從此罷樓船東墅時聞載管絃客至汎湖當雨後
使來授簡及春前歷長不記移花日稅薄剛逢刈麥天
誰信太平元老貴竟同野稚餉炊烟

寄贈黔南蔡開府使君

重移幕府鎮炎荒御繖曾經賜武昌入蜀路開韋節度
平吳功著杜當陽九隆釐稅收青海四部蠻歌侑白狼

欲汎一觴何處見雲龍洲畔即瀾滄

贈別邵明府左遷之蘭州幕

西上蘭州路渺漫參軍垂老遠之官故交綠酒傾來晚
從事青衫着去寒塞柳凋隨車後落嶽蓮高人幕中看
上林多少鸞枝在誰道卑栖乏羽翰

過江晤王甫白後旋有詩寄懷因依原韻答寄

錢塘江上對門居絕勝河汾一舊廬入洛已經逢季雅
任秦何必羨由余尋還高士迴通德記得思君在執徐

咫尺西陵風雨近莫愁論學少三餘

蔣將軍輓歌

先生射獵早歸田門下重歌薤露篇曾破黃巾還渤海
何辭青塚象祁連文螭自繞新題碣櫪馬猶披舊賜韉
惆悵過庭蔣詡在方開三徑杜陵邊

過姚使君寓樓答贈依韻

金輪雙峙倚秋空迤邐尋君蕭寺中亭午薄雲方漏日
新晴高樹易生風攜來圖史披將盡亂後登臨感自同

欲紀舊時監郡績請看杜牧贈姚公

杜牧之有贈姚公詩見樊川集

寄李方伯

鶴繡犀輦照錦茵
藩高故浙河濱
關中轉運推蕭相
洛下軍需藉寇恂
滿道官花向日盤
根仙李正乘春
賓門漸覺薇垣近
幾度思君意倍親

上海廳事前枯槐再花和任明府韻

洛令原推任峻才
春風長拂印牀開
分田不用兼收秫
夾道能生半死槐
紅雨潑殘新燧火
黃花飛滿舊階苔

星精自應三台貴何必王家再種來

槐木為虛星之精故云

送張學士給假還里四首

給侍昭文敢乞身十年華蓋鎮相親
整從丹禁辭

明主要使滄洲識近臣私第慢教收
祕笈還朝早已訂
溫綸洞門雨後春風發仙驥翺飛總絕塵

二

蓬閣由來多歲年此行未許遂歸田
授餐還撤東堂饌
賜橐長攜內府錢擁傳春啣金勒淺
登樓時見玉繩懸

還家總道家山好却訝蒼龍當晝眠

學士所居
在龍眠山

三

修文中禁許誰尋乍見鷓鴣出上林
疏入獨言親墓遠

慨馬予告

聖恩深城連百子思埋玉舟過三江笑鑄金
移孝作忠疇得似年來空愧接衣簪

四

橫門供帳傍春城况值清明草又生
中祕早誥圖史願

東山終有薜蘿情
六筮瘞後猶登隴
五嶽游時慢記名
祇恐

聖明懷望切
海門潮上促
王程

奉寄錢唐梁明府

東垣才子興翩翩
試宰錢唐年
又年海日近
從城關上
湖山長在縣門邊
陶家種秫分官釀
吳女栽花傍訟田
只為愛聽絃
誦好春來時
有過江船

田公子示詩却寄

公子才名冠帝鄉趨庭猶自逐龍驥觀書爾獨追弘正
結客人稱過孟嘗劍入斗邊雲氣盡文隨幕下海濤揚
何緣共踞胡牀坐一唱陽春大道王

趙生為武城宰

銅符初綰濟河西此去陽平一望迷吳下高賢仍作宰
晉陽公子實封齊官清養廐皆齋馬學至操刀好割鷄
當日弦歌如未撤慢嫌為政笑宣尼

寄南豐令

軒綏高駕向南城
江介時瞻列宿明
自得獨孤為茂宰
儘教李勣作編氓
壺中巖傍春雲暎
下堂隨秋雨成
華穀朱輪相送後
有誰專對在延英

送錢編修歸養雲間

暫辭東觀返蘭幃
相送青門望有輝
國史預裁毛義傳
宮羅先製老萊衣
前臨通路當南浦
為望千山啟北扉
顧去慈鴟歸哺早
春來仍向禁林飛

屠少府左補始興驛丞

南行且莫厭官閒梅尉高風好去攀傍舍不須撓綠綺
開衙長自對青山嶺隨陸賈乘傳去座有司農置驛還
暇日題詩尋玉筍丹砂正好駐朱顏

奉和高陽相公初春八直喜雪原韻

東風吹雪滿重城錯認山簷散落英內府乘春忻有象
天街入夜靜無聲珠光照海驚龍蟄玉粒盈田任鳥耕
但使三農兆三白萬方誰不荷生成

粲粲瓊霄接

帝城羔裘重喜綴三英望添苑樹朝來色聽得宮鶻曉
度聲

闕下久淹東郭履山前誰念子與耕難探相國憂時意
不是陽春和不成

奉和高陽雪中下直原韻

雪朝下直快幽期控馬端門欲度遲雲葉擘成堤上絮
天花散作手中絲高懷自埽迎賓路雅會難傳禁體詩

何幸玉堂揮翰早一時歌動郢中兒

二

青女便娟未有期春空冉冉下來遲
靈連似把青瑤屑霰集惟抽碧藕絲
發粟久從齊相請撒鹽終是謝家詩
連朝僵臥柴車客也和新聲付管兒

餞宋員外使權輅關

一軺分權使南天正值都官拜簡年
驛騎預呈候吏板亭餐不用算商錢
橫江路出蒹葭外望闕心懸霄漢邊

只恐嚴關烽火近將軍從此駕樓船

二

星旌遙指鬱孤臺春到雙江水自迴
撾鼓喜君乘傳至吹笳放客過關來
厓門珠舶花前發海嶠金裝雪後開
借問開元丞相裔何時可賦嶺頭梅

員外為相國子

同吳江俞鹿牀赴江觀臣蔡右宣閭門舟集即
席分韻是日送施分司還宣州

畫舫張筵汎水涯木冠吳會集來賒
近船歌散烟中柳

隔岸燈垂雨後花客至早吟江總賦人如夜過蔡經家
松陵高士相違久欲送宣州思轉遐

雪中游張家園作

名園雪霽快追陪酒醜冰壺凍未開豈有瑤臺乘馬至
却疑雲漢汎槎迴樓高俯見雲千疊裘敝偏驚風四來
不信燕山方十月寒枝發盡嶺頭梅

送東莞令之任

青袍如草鷓如縞萬里炎方去路賒縣旆乍迎嶺徽月

海田先種日南花
獻來紫貝當
輸稻收盡紅棉好
及瓜
滿匣印泥方照眼
何須句漏覓丹砂

送益陽江明府

為郎上應軫
傍星八月秋風過
洞庭戍火夜銷平蜀路
官舟曉泊望湘亭
黃陵過雨衣常潤
白鹿啣花車未停
莫道攜琴高和少
湘靈一曲暮山青

雨後小飲任氏草堂卽席拈句

草堂積雨未曾開
霽色忻逢酒一杯
風息草頭知礙竹

日穿葉隙見殘梅當軒野鳥橫烟下滿紫江魚堆雪來
自昔題詩傾四座何人不讓彥升才

劉明府赴任南漳

陶令南行心自閑十三嶽上綴珠殷名同星列丹霄上
操比漳流清漢間編戶遠連龐統宅閒田長在卞家山
期君便作南游客極浦看雲共往還

送周長陽之任

都鄉本是大夫才欲赴長陽作宰來官牒下迎吳會遠

縣門高向蜀江開，亭留白鶴雲常護。
峽過黃牛水自迴，此去荆門爭戰息。
江關何處有烽臺。

秋初從吳中歸，值甬東葉天樂以詩下詢，依韻

答之

杏子街頭墮寶鞭，野橋歸路興騷然。
傾囊不載黃金賦，買酒還啣綠玉船。
別妓遠從花港外，思君久在竹溪邊。

時天樂避地竹溪

炎天衣褐無繇浣，何幸攜來白雪篇。

二

吳中意氣贈歸鞭正值榴花似火然風過每懷高士榻
月明初到下江船時逢乾鵲填河曲會有雙魚寄海邊
只恐采蕭歌未斷相思還著九秋篇

余將往
都中

任四辰旦招賞芍藥和韻

名花初發日遲遲共對閒堂把玉卮紅白間來深淺色
參差開作短長枝嬌嫌日炙從遮幔香逐風生似解禱
一自涓川留贈返到今相顧眼迷離

益都夫子生日與同門諸公共祝長椿寺飲次

奉和夫子首倡原韻

公府同師陸象先
良辰高會法堂前
憑拈麟紱環龍藏
敢謂羔裘藉豹緣
誦去波羅聲習習
醉隨海鶴舞仙仙
八千總是長椿酒
好借花宮祝大年

餞鈕明府赴項城

百里雷封始拜除
衣縣錦帶佩銅魚
久傳潘岳能為賦
豈有高柴不讀書
露濯繭絲堪作纓
秋來烏鵲解迎車
潁川自昔多循吏
攬轡三河思有餘

餘姚諸徵君六十并其內人偕壽

千葉荷花卷作卮客星山下看彈碁才名舊已誇甌越
甲子今還記義熙履道與人同繪面深房有婦且齊眉

十年前與長庚會

五十時曾以
文與詞為壽

從此綏桃採未遲

餞薛中丞巡撫上江

璽書新拜大中丞
皖口高懸幕府旌
水國星分吳楚會
晴帆春上建康城
九賓方集官僚長
四岳曾逢江漢清

由湖廣方伯轉
太常卿故云

此去儀同閒作鎮
東南萬里正休兵

恭祝李少司農夫子初度三首

煌煌會計佐天都，薄海新歸一版圖。
唐世間稱中宰相，周官最重小司徒。
當陽武庫曹端肅，李絳文名天下無。
暫假春盤介春酒，百年長此進屠蘇。

初度在正月下浣

二

嘗陪華蓋引崇班，出長人曹鬢未斑。
圖為重農時再啟，門因却餽晝嘗關。
纈袍舊領東堂賜，文劍新從內庫頒。
才捧百年觴欲進，陽和頓遂探春還。

三

珠繩轉後物華新此際生賢似有神正度上元談甲子

時歲次

甲子

豈同下士守庚申庾開近賜春前酒戶闢方填

海外塵

是年臺灣雨破

三載司徒年未老者英未是會中人

徐起部以小箱作枕函外裹以綺名曰詩枕自

題索和

高吟長臥鬱金牀暫借游仙當錦囊覆襟結成魚口禰
方函空似女兒箱開緘已覺通明遠得句偏教入夢長

行笈自來無祕事不須衡論比中郎

送趙侍衛弟出鎮永寧

早領鉤陳典禁聞為聯戎索出金微帳懸牙將新收鐵
篋貯

今皇舊賜衣馬邑營連環紫罽雁門關險傍朱旂辭朝
祖帳盈車轍誰道軍前揖客稀

二

將軍出塞備才賢金殿承恩正少年宣府兵迎冬雪後

渾河馬渡夕陽邊垣間掣電知搖旆幕有飛鳥為控絃
却憶侍臣同下直鶻冠長過禁門前

三

開平舊衛久休兵款塞無煩更請纓裘甲露看銀鯉躍
耳衣風傍錦貂生時開邊障排雲陣夜擁灰鑪盡地營
兄弟城陽輕此別肯教皇甫厭逢迎

勅賜瀛臺秋藕叩謝恭紀

延景門西太液寬秋登碧藕餉詞官蓮衣紅散丹臺影

蕊節香分綠水寒
玉妃橫陳驚雪積
金門偃息媿泥蟠
空教三載相如渴
長向仙人掌上看

欽簡日講官宣入

乾清門引見志喜

金殿弘開

詔集賢微臣何幸與陶甄
恭聞銀蚪宣

宸禁恍見丹書出

御筵象繫未詮瑤冊裏
星文先繞玉階前
桓榮稽古如

堪賞那數東京侍講年

送何使君出守牂柯

廉范高風不可攀
西行何惜路途艱
漢家初闢犍為郡
太守能通瓦甸關
喻蜀文章開百燹
渡瀘風俗變諸蠻
從來叱馭忠臣事
安用朱旗九折還

二

刺史行邊析守珪
青孤山險雜羗氐
魚鳧盡處遮三峽
馬援前時過五溪
部遠不辭穿赤甲
官廉常禁採朱提

使星未許長留蜀
幢蓋還朝望豈迷

金魚池聞笛餞陸大歸里并示其令子曾禹

水滿池塘酒滿卮
平欄吹笛使人思
賦成宮柳遮新埒

歸見園花落故枝

陸大時喪婦信至

近岸錦鱗將掉尾
摩天黃

鸚未啣雌還家賸有超
宗在涕泪應霑華黍詞

天安門頌詔

雙闕平明捲霧開

九重頒詔出層臺
播懸木鳳啣書舞仗立
金鷄下赦來

彩檣橫時天宇豁黃封展盡

聖心裁策災本是賢良事何處還尋杜谷才

送平驃騎出守東平

玉節新分驃騎營須向舊地重東平
旌門時啟中都路
弓月秋翻海上城
堠轉凋戈迴過騎
漕來輓粟聽鳴鉦
黃山尚有遺書在東去寧無進履情

曾太史歸覲

薰風六月漾芙蓉歸向東園馭板輿
破閣暫飛蓬海燕

還家方饌賀湖魚
栽來暑帔當宮錦
束得晨裝是祕書
此處槐堂堪愛日
待君重數八甄餘

翰林院中舊有柯亭劉井井為劉文安定之所
鑿柯學士潛手植二栢建瀛洲亭以臨之李
西涯詩有云我行樹陰日千匝是也今遺蹟
尚存而其人已往同年尤太史過此慨然有
感遂成二詩予與施侍講彭編修陳檢討同

和其韻

東觀曾開玉梵寒後園鑿井笑劉安銀牀不負丹砂甕
金綆猶垂白石欄起草日添麻底潤覆桐秋老葉中乾
相看一片冰花鏡欲寄蓬山難又難

二

瀛洲學士本重來尚有軒牕水際開地勝不須通黍谷
名高從此近蘭臺簷前虛挹波千頃樹下閒行日幾回
多少登臨歌詠去問誰堪繼栢梁才

陸明府之郊

初拜郎官汝水邊河魚秋上待烹鮮車驅突氏攜琴日
地列周王定鼎年紅旆吏迎嵩外驛黃陂人種魯東田
十年同學方游仕手攬青袍思黯然

送張太守之濟南

銜命東行海嶽秋使君著績在秦州

曾為秦州守
破賊有功

詔書

特賜楊承令竹馬新迎郭細侯衣覆黃金腰底綬花含
白雪郡東樓此鄉原有前賢蹟早晚應傳買犢謳

寄蔡君七十

子尼垂老著青裾七十年來齒倍芬西塞巖邊誰是侶
南州座上每逢君尋還宛委餘金字望盡鄉關見紫雲
羨汝趨庭方入對請纓闕下有終軍

西河集卷一百八十